



Il gruppo di lavoro del progetto "Danieli".

La Università dal Friûl e la aziende Danieli di Buri simpri plui unidis par colaborâ intai setôrs de ricercje, de alte formazion e de inovazion. L'acuardi firmât a fin Otubar a palaç Floro dal retôr Alberto Felice De Toni e dal president de Danieli&C. Oficinis mecanichis, Gianpietro Benedetti, pe prime volte al rinfuarce e al regole la colaborazion in dute une schirie di iniziativis che l'ateneu furlan e la aziende di Buri a vuelin puartâ indenant insiem.

L'acuardi di suaze al pant la volontât di potenziâ e sistematizâ lis ativitâts di colaborazion che za di timp Danieli e Università a àn fat intal cjamp de formazion e de ricercje scientifiche. In particular si darà continuitât ae ricercje e al disvilup tecnologjic pe industrie siderurgjiche, ancje incressint lis colaborazions internazionâls e la pussibilitât di partecipâ a progjets di ricercje europeans. Altri impuls al vignarà dât aes formis di coinvolziment diret dai students cun periodis di pratiche, tesis e

borsis di ricercje.

"Il sucès al nas des aleancis – al sclaris De Toni -. La colaborazion cu la Danieli, leader de metalurgjie e de implantistiche siderurgjiche, al rinfuarce il progjet di un ateneu che al cirî simpri di potenziâ i rapuarts cui esponents miôr e plui rappresentatîfs dal tiessût economic regionâl. La universitât di Udin e la aziende Danieli di Buri a colaborin insiem za di tancj agns e cun plui iniziativis. Di vuê però cheste aliance si rinfuarce par diventâ

une colaborazion strategjiche a lunc tiermin".

La convenzion e varà di fat duare di cinc agns e si podarà sprongjâ. L'ateneu e la aziende a varan la pussibilitât di lavorâ insiem par organizâ visitis e periodis didatics di pratiche pai students, testimoniancis su argoments a hoc di bande sedi di docents de universitât sedi di personâl de Danieli, incuintris periodics pai students su lis oportunitâts professionâls intal grup Danieli, proceduris par facilitâ il contat tra neolaureâts e aziende.

I contrats di colaborazion a rivuardaran diviersis disciplinis e tra chês: la progjetazion mecaniche, i sistemis eletrics di potence, i materiâi, la energjie e l'impât ambientâl, la direzion progjetuâl. A cjaparan cuatri dipartiments universitaris: chel di Ingegnerie eletriche, gjestionâl e mecaniche, chel di Chimiche, fi-

siche e ambient, il dipartiment di Ingegnerie civil e architetture e chel di Matematiche e informatiche. Lis variis ativitâts a saran definidis volte par volte cun contrats atuâtifs di pueste.

La ocasion de firme dal acuardi e je stade cjapade ancje par anzunziâ la donazion di plui o man-

ricercjadôr onorari te Università di Exeter in Grande Bretagne e Stefano Tonchia, professôr ordenari di direzion progjetuâl e organizazion aziendâl, za diretôr de Scuele di Alenia aeronautica. Lis ricercjis a rivuardaran ricercjis sul teme dai uficis acuiscj localizâts intai paîs forescj e su la direzion progjetuâl svelte, vâl a dî il sisteme che al permet di svelti i progjets, mantignint la eficacitât, in ambients dinamics.

Ae firme a jerin presint ancje Ester Ianniss, dirigente dal istitût Malignani di Udin, Gianfranco Marconi, diretôr dal Centri ricercjis Danieli, Paola Perabò e Massimo De

Liva de Danieli, di là dai docents e dai ricercjadôrs plui impegnâts intal progjet Danieli: Sartor e Tonchia, e ancje Denis Benasciutti, Luca Casarsa, Maria Chiarvesio, Francesco Di Bona, Lorenzo Ferrizzi e Paolo Gardonio.

La convenzion, che e vâl par cinc agns, e slargje e e rinfuarce lis colaborazions cu la aziende di Buri in materie di ricercje, didatiche, alte formazion e inovazion. I progjets a cjaparan dentri cuatri dipartiments dal ateneu.

# FIRMÂT IL PAT CU LA DANIELI



Benedetti e De Toni